

Qarasaasiat atorlugit saqqummiisarneq pillugu Namminersorlutik Oqartussat nalunaarutaat

Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi, Inatsisartut inatsisaanni nr. 12, 29. november 2013-meersumi allanngortinneqartumi, § 31, imm. 2 naapertorlugu aalajangersarneqarput:

§ 1. Namminersorlutik Oqartussat inatsisitigut maleruagassiaasa saqqummiunneqarnerat nittartakkami, www.nalunaarutit.gl, qarasaasiat atorlugit pissaaq. www.nalunaarutit.gl-imi ikkussat tamarmik immikkut inatsisitigut maleruagassaq qanoq normoqarnersoq kiisalu ulloq suni ikkussineq pinersoq, pillugit paasisutissanik imaqassapput.

§ 2. Inatsisartut inatsisai aamma Namminersorlutik Oqartussat nalunaarutai www.nalunaarutit.gl-ikkut saqqummiunneqassapput.

Imm. 2. Taamatuttaaq kommunini malittarisassat, Inatsisartut inatsisaat, Inatsisartut peqqussutaat imaluunniit Namminersorlutik Oqartussat nalunaarutaat naapertorlugu aalajangersarneqartut, taakkua innuttaasunut ingerlaannaq atuutilertussaappata, www.nalunaarutit.gl-imi saqqummiunneqassapput.

§ 3. Allaffissornikkut najoqqutassiat allat www.nalunaarutit.gl-imi saqqummiunneqarsinnaasut, Naalakkersuisut Siulittaasuata Naalakkersuisoqarfiani Inatsilerinermut immikkoortortap akuerisinnaavaa imaluunniit aalajangersinnaallugu.

§ 4. Nalunaarut manna saqqummiunneqareernerme aqaguani atuutilerpoq.

Imm. 2. Peqatigisaanik qarasaasiat atorlugit saqqummiisarnermut Namminersorlutik Oqartussat nalunaarutaat nr. 1, 2. januar 2014 atorunnaarsinneqarpoq.

Namminersorlutik Oqartussat, ulloq 20. marsi 2023

Múte Bourup Egede (atsior.)

Naalakkersuisut Siulittaasuut

/ Jógvan Svabo Samuelson (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut